



**Puspè ina giada ina stad da tgirallas**

Johann Clopath ha fotografà questa stad bleras tgirallas e preschenta quellas oz en LQ.

8  
9



südostschweiz

# LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

**Stagium sa entscheiver**

■ (anr/hh) Questa fin d'jamna entscheiva il campinadi da ballapei regional. Ton ella 3. sco la 4. e la 5. ligia s'audan equipas sursilvanas denter ils favorits. Ella 3. ligia ei quei Schluein Glion. La Lumnezia vul empruar da fitgar pei en quella ligia. Ella 4. ligia vegnan il secund dalla stagiun vargada Trun/Rabus ed il tierz Schluein Glion danovamein a batter per in rang davontier. Ella 5. ligia s'auda il secund dad onn, Union Trin, denter ils favorits, mo era Rueun e Sedrun/Mustér ein buns per ina sorpresa.

> PAGINA 10

**Per emblidar il cancer**

■ (anr/st) Tier personas pertuccadas dil cancer ei la malsogna savens el center. Ella pertucca denton buca mo la persona malsauna, mo bein era confamiliars e savens ein affons ni fargliuns da personas cun cancer ell'umbriva dalla malsogna. Perquei organiseschan la Lia grischuna encunter il cancer ed il Lions Club Signuradi il «viadi d'aventura 2018». A quell'aventura – che meina ella barchetta d'ina moto tras la Ruinalta – envidan ei affons pertuccai dad otg fin 16.

> PAGINA 10

**Müdamaint dal clima**

■ (anr/afi) Il biolog e veterinari Armin Deutz da la Steiermark ha referi a Zernez davart il müdamaint dal clima e las consequenzas per la sulvaschina. Situaziuns extremas, catastrofas, chaluors, süttinas, bacils e virus procuran svelta per ün effert illa vegetaziun e la fauna. Sco dapertuot daja eir qua da quels chi profitan e da quels chi patischan da la nouva situaziun climatica e malatias as derasan in novs territoris.

> PAGINA 11

**Tots èn plagn speranza**

■ (anr/gns) Ier on antschet tar igl Origen Festival Cultural las festivitads dalla surdada digl Premi Wakker tgi la Nova Fundaziun Origen retscheva dumang sonda. Cun retschever la fundaziun chel premi per sies angaschamaint da mantigneir e dar nova veta a bietgs istorics è er nia preschento igl pi nov project. Chegl è la sanaziun e renovaziun digl hotel Liun agls Mulegns.

> PAGINA 12

Servetsch d'abunents e da distribuziun: tel. 0844 226 226 mail: abo@somedia.ch



## Mo 32 postas garantidas fin 2020

La restructuraziun dalla reit postala cuntinuescha era el Grischun

DA MARTIN CABALZAR

■ **Cun gronda probabilitad vegnan 24 dil 56 actuals biros da posta serrai el Grischun. Garanti entochen 2020 ein suletamein 32 biros da posta independents. Pigi avegnir preferescha La Posta d'integrar spurtegl da posta cumbinai cun stizuns ni auters survetschs publics.** Actualmeins dat ei el Grischun tut en tut aunc rodund 240 adressats cun atgnas numeras postals. Da quels ein rodund 140 gia provedi cul survetsch da casa. Dalls 108 filialas ch'existevan aunc 2017 ein 32 biros da posta independents, ferton che 56 spurtegl ein integrati en auters menaschis sco partenaris. Dils 20 biros independents ch'eran previ 2017 per ina examinaziun han ins gia anflau per otg ina soluziun cun partenaris, en 12 cass ei la decisiun aunc pendent. Da niev ha La Posta aviert en 15 staziuns da viafier posts per tarmetter e retscheiver pachets. Ulteriurs tals posts duein suandar.

La cumbinaziun da survetschs cun auters partenaris para era d'esser egl avegnir la soluziun pre-



Era el Grischun vul La Posta transferir adina dapli filialas da posta independents en filialas menadas da partenaris cunzun ella stizun dil vitg.

ferida da La Posta. Aschia ch'igl ei da quintar che la gronda part dils biros independents existents che vegnan actualmeins aunc examinai svaneschan, resp. vegnan remplazzai cun filialas integradas.

Ferton che La Posta plaidda tut en tut d'ina migliur essenziala dil survetschs postals critiche-scha il sindicat Syndicom la reducziun resultonta da posts da lavur sco era las schliatas cundi-

zuns da paga en las filialas cun partenaris. Tgei che schabegia suenter 2020 stat aunc scret ellas steilas.

> COMMENTARI E PAGINA 3

**COMMENTARI**

**Ils temps semidan e nus cun els**

DA MARTIN CABALZAR

*Ils onns nua che mintga vitg ed uclaun veva in agen postnent ed in biro da posta che purscheva pli u meins tut ils survetschs postals ein definitivamein spirai. Semidada ei denton buca mo la strategia da La Posta, anzi, era il cumportament dalla clientella. La digitalisaziun ha aviert novas pusseivladads per nezegiar ils survetschs postals a moda individuala. En consequenza dalla privatisaziun e sut squetsch dalla rentabilitad ha La Posta razionalisau ses menaschis e diversificau ses survetschs. Biars spurtegl da posta semeglian oz plitost ina stizun da rauba diversa ch'in survetsch postal ed ins sedamonda sche quei ei veramein necessari e prudent.*

*Igl ei legitim sche La Posta tscherca d'adattar ses survetschs alla tenuta ed als bagens semidai da sia clientella. Ella astga denton buca surdurrar quella situaziun sco stgisa da sempitschar adina pli pauc da sia incumbensa constituziunala da garantir il servis public e quei en buna qualidad en tuttas regiuns da nosta tiara. Sut squetsch politic ei La Posta la finala tuttina stada prompta da reponderar sia strategia oriunda che havess effectuau in tagl radical dils survetschs postals e vess purtau gronds disavantatgs cunzun als vitgs muntagnards ed allas valladas periferas. La Posta sincerescha uss ch'ella vegli buca serrar filialas senza saver perscher ina soluziun alternativa. Silmeins quei. En scadin cass sto la restructuraziun dalla reit postala succeder en cooperaziun ed entelgentscha culs direct pertuccai e buca vegnir dictada da surengiu.*

martin.cabalzar@somedia.ch

## Las duas sorts aua da Val

Viseta el menaschi d'embuttigliar a Val S. Pieder

DAD AUGUSTIN BEELI / ANR

■ **Questa stad manca l'aua giu da tschiel pilver e metta en perfetg l'agricultura. Senza aua secca tut. Aua custeivla vegn denton buca mo giu da tschiel, mo bein era ord la tiara.** Per exempel quella da Val. En Val S. Pieder han ins entschiet ad emplenir aua minerala pèr 1961. Quei onn ha il possessur d'ina bieraria a Berna, Donald M. Hess, cumprau dalla vischnaunca ils dretgs d'embuttigliar, distribuir e vender l'aua minerala. Dacuort ha l'anr giu caschun da visitar quei menaschi all'entrada dil vitg da Val S. Pieder. Il menader dalla gestiun ei Peter Cadonau da Flond. Quel ei responsabels per ina



Ella producziun vegnan butteglas pintgas e grondas emplenidas, tut funcziuna cun tschentas e robots.

FOTO A. BEELI

equipa da 75 employadas ed employoi. Sco Cadonau conferma han

ins investiu igl onn vargau 3,5 miliuns francs en ina maschina nova.

Mintg'on denter 1,5 e treis miliuns francs ei la regla per saver ademplier las cundiziuns tecnicas, higienicas e dall'automatisaziun. Oz dat ei duas auas da Val, l'aua da s. Pieder e l'aua da s. Paul. Cu Hess ha cumprau ils dretgs d'embuttigliar eis el semess en concorrenza cun auas etablidas. Igl onn 2002 ha quei piunier ed investur vendiu ils dretgs da commercialisar l'aua al concern Coca Cola. Grazia a quei «deal» prosperescha il menaschi d'embuttigliar vinavon a Val S. Pieder. Oz ei l'aua da Val la marca la pli ferma da tuttas en Svizra, forsa era grazia al fatg ch'ins sa trer a nez la secunda fontauna.

> PAGINA 5

RECLAMA

**Räumungs-verkauf**

30% bis **65%\*** auf viele gekennzeichnete Ausstellungsstücke

zusätzlich **-20%\*\*** auf bereits reduzierte Ausstellungsstücke

wegen Umbau unserer Wohn- und Schlafzimmerabteilung

\* Die Preise verstehen sich als Aktions-Abholpreise. Solange der Vorrat reicht. Gültig bis Samstag, 1. September 2018. Nicht mit anderen Aktionen kumulierbar. \*\* Ausgenommen Top- und Nettoangebote, Gartenmöbel sowie Küchen und Elektrogeräte.



**Kommen Sie als Kunde, gehen Sie als Freund.**

Delta Möbel AG, Rütistrasse 5, 9469 Haag A13 Ausfahrt Haag, Tel. +41 (0)81 772 22 11 info@delta-moebel.ch

delta-moebel.ch



DACHCOM